



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda Ecclesiae Paderbornensis

Dietrich <Paderborn, Bischof>

Paderbornae, 1602

De Episcoporum potestate in casibus reseruatis.

urn:nbn:de:gbv:23-drucke/s-483a-2f-helmst3

Canonistis. Non enim multum pertinet ad laicorum confessiones audiendas, imò nec ad audiendos clericos, quia suspensi, interdicti & irregulares si peniteant à peccatis absolui possunt, manente suspensione, interdicto & irregularitate, & nihilominus dispensatione opus habent, vel Papali vel Episcopali, vel eorum, quibus Papalis vel Episcopalis auctoritas communicata est. Et post quantamcunq; pœnitentiam, si interdicti, irregulares vel suspensi à diuinis celebrarent, vel in diuinis officijs, à quibus prohibiti sunt, ministrarent, peccarent grauitè, quoties id præsumeret ante absolutionem seu dispensationem à superiore obtentam.

DISPENSATIO IN IRREGULARITATE.

Habens auctoritatem vel commissionem dispensandi ab irregularitate, dicat, Ego auctoritate Sanctissimi Domini nostri Papæ, vel auctoritate ordinaria, vel vigore priuilegij tibi concessi & mihi exhibiti tecum dispenso super irregularitate vel irregularitatibus, quam vel quas contraxisti propter talem & talem causam, vel si contraxisti (quando est dubium) in nomine Patris, & Filij, & Spiritus sancti. Quod si commissio habet certam formam insertam, absoluens eadem, & non alia uti debet.

NOTANDVM DE EPISCOPORVM POTESTATE
QVO AD CASVS RESERVATOS.

Episcopi, vt supra dictum est, in omnibus casibus occultis, etiam sedi Apostolicæ reseruatis, absoluerè possunt per se vel per Vicarios ad hoc deputatos, excepta hæresi, à qua soli per se, & non per vicarios in foro conscientie absoluerè possunt. Verba Concil. Trident. sess. 24. cap. 6. hæc sunt: Liceat Episcopis in irregularitatibus omnibus & suspensionibus ex delicto occulto prouenientibus, excepta ea quæ oritur ex homicidio voluntario, & ex certis alijs ad forum contentiosum deductis dispensare, & in quibuscunq; casibus occultis etiam Sedi Apostolicæ reseruatis, delinquentes quoscunq; sibi subditos in Diocesi sua per seiplos aut vicarium ad id specialiter deputandum in foro conscientie gra-

tis absoluere, imposita pœnitentia saluari. Item & in hæ-
resis crimine in eodem foro conscientie existant, non eo-
rum Vicarij sit permiffum.

QUI EXCIPIANTVR A CASIBVS RESER-
VATIE PAPAE.

Infuper hoc quoque notandum est S. Pontifici refer-
uatis excipi impuberes, videlicet masculos ante decimum
quartum annum, quoniam in iis minus viget ratio: mona-
chos ac Regulares, quia non sunt sui iuris: fœminas, partim
ob sexus infirmitatem, partim quia sunt sub virorum po-
testate: iuniores autem viduas ac puellas, propter pericu-
lum incontinentiæ: senes & valetudinarios, quia laborem
itineris ferre non possent: pauperes, maximè coniugati, ne
diurna eorum absentia vxorem & liberos objiciant mendi-
citati & flagitio:

Deniq; omnes, quibus salua vita, libertate, & rebus suis
Romam adire non licet (saltem quamdiu durat tale impe-
dimentum) non sunt ad Papam, sed ad Episcopum vel ip-
sius vicarium aut pœnitentiarium mittendi, à quo pœniten-
tes absolui possunt & debent. Sed & omnibus in vniuersum,
qui in Papales casus incidunt, succurri potest per indulgen-
tias plenarias, quæ frequenter à Pontifice conceduntur.
Expedi autem hanc potestatem & tam necessarium salu-
tis remedium omnibus, maximè curatis & pastoribus no-
tam esse, vt sciant ad quos suas oues in tali necessitate remit-
tere debeant.

DE VOTORVM COMMVTATIONE.

Porro, quia etiam aliquando accidit, vt votorum com-
mutatio in confessione fieri debeat, primo notandum ve-
nit, quod etsi quilibet sacerdos (vti dictum est) possit quem-
libet à quocunq; peccato, quacunq; excommunicatione &
fractione voti in articulo mortis absoluere, non tamen po-
test in votis dispensare aut illa commutare, etenim tunc
illi illa peccatum absolutio, non autem votorum con-
ceditur iuxta communem Doctorum sententiam.

dispensatio
aut commuta-
tio.